



Գ. Կիրակի Պենտեկոստէն ետք:



ԺԱՄԱՄՈՒՏ

Միածին Որդի եւ Աստուծոյ Բան, եւ անմահ՝ եութեամբ, որ յանձն առիւ մարմնանալ սուրբ եւ միշտ կոյս Աստուածածինէն, անփոփոխելիդ՝ մարդ դառնալով խաչուեցար, Քրիստոսն Աստուած, եւ մահովդ՝ մահը խորտակեցիր. մին անձերէն՝ Ամենասուրբ Երրորդութեան, արժանի փառքի՝ Զօր եւ Զոգւոյն հետ փրկէ՛ մեզ:

ՃԱՇՈՒ ՇԱՐԱԿԱՆ ՅԱՐՈՒԹԻՒՆ ԳՉ.

Քրիստոս թագաւոր, Զօր եւ Զոգւոյն էակից, որ մեզի համար մարմնացար սուրբ Կոյսէն, փառքի թագաւոր Քրիստոս, փառք քեզի:

Որ կամաւոր մահով մահը խորտակեցիր եւ անապական յարութեամբդ աշխարհը նորոգեցիր, փառքի թագաւոր Քրիստոս, փառք քեզի:

Որ քու կենարար արիւնովդ լուսաւորեցիր սուրբ եկեղեցին, հրեշտակներուն հետ կ'երգենք քեզի ըսելով. փառքի թագաւոր Քրիստոս, փառք քեզի:

ՄԵՍԵՂԻ (Սաղմոս 64, 2-3)

Աստուած իմ, Սիոնի վրայ կատարուած փառաբանութիւնը միայն քեզի կը վայելէ եւ Երուսաղէմի մէջ քեզի աղօթքներ թո՛ղ բարձրանան:

* Աղօթքներս լսէ՛ եւ ամէն մարմնաւոր եակ՝ Զեզի թո՛ղ գայ, Զեզի թո՛ղ դիմէ:

ԸՆԹԵՐՅՈՒԱԾ

ՄԱՅ ԵՒ ԿԵԱՆՔ ՔՐԻՍՏՈՍԻ ՀԵՏ

Պօղոս Առաքեալին Հռոմէացիներուն ուղղած Թուղթէն Է այս ընթերցուածը.

(Հռ. 6, 12-23)

Թո՛ղ մեղքը չթագաւորէ ձեր մահկանացու մարմինին վրայ, ձեզ հնազանդեցնելու համար անոր ցանկութիւններուն: Մի՛ թողուք որ ձեր մարմինին անդամներն ըլլան զէնք անիրաւութեան, ի սպաս մեղքին, այլ իբրեւ ողջ եակներ, կեանքի կանչուած մեռելներու մէջէն, ծառայեցէք Աստուծոյ ձեր մարմինին անդամներով՝ իբրեւ զէնք արդարութեան: Որովհետեւ մեղքը ա՛լ չի տիրեր ձեր վրայ, քանի որ Օրէնքի տակ չէք, այլ՝ Շնորհքի:

Ուրեմն պիտի մեղանչե՞նք, որովհետեւ այլեւս օրէնքի տակ չենք, այլ՝ շնորհքի. քա՛ն լիցի: Չե՞ք գիտեր թէ դուք ձեզ պատրաստելով մէկու մը ծառայութեան անոր հնազանդելու համար, կը դառնաք ծառաներ անոր, որուն կը հնազանդիք: Եթէ մեղքին՝ յանգելու համար մահուան. եթէ հնազանդութեան՝ հասնելու համար արդարութեան:

Բայց գոհութի՛ն Աստուծոյ, դուք, որ ատենօք կը ծառայէիք մեղքին, հիմա սրտանց հնազանդեցաք վարդապետութեան, որուն յանձնուեցաք: Մեղքէն ազատագրուած՝ կը ծառայէք արդարութեան:

Մարդկային բառեր կը գործածեմ, յարմարցուած ձեր տկարութեան: Ինչպէս որ երբեմն ձեր մարմինը կը ծառա-



յեցնէիք պղծութեան եւ անօրէնութեան, որ կը տանին ըմբոստութեան՝ Աստուծոյ դէմ, այնպէս ալ հիմա, դրեք զայն ի սպաս արդարութեան: Ի՞նչ պտուղներ կու տայիք այն ատեն. այսօր կ'ամօնաք անոնցմէ, որովհետեւ անոնց վախճանը մահն է: Իսկ հիմա մեղքէն ազատագրուած ծառաներ Աստուծոյ, կու տաք պտուղներ, որոնք կը տանին սրբութեան եւ որոնց վախճանը՝ յաւիտեանական կեանքն է: Մեղքին թռչակը մահն է. իսկ Աստուծոյ շնորհքին պարգեւը՝ յաւիտեանական կեանքը մեր Տիրոջ Յիսուս Քրիստոսի մէջ:

Ալելուիա, Ալելուիա,

Տէ՛ր, քու երկրիդ հանդէպ դուն սեր ցոյց տուիր եւ Յակոբի ազգը գերութենէ վերադարձուցի՛ր:

(Սղմ. 84, 2)

Ալելուիա:

**ԱՒԵՏԱՐԱՆ
ԱՌԱՔԵԱԼՆԵՐԸ ՀԱՍԿԵՐ ԿՐ ՓՐՑՆԵՆ
(Մատթ. 12, 1-8)**

Սեր Տեր Յիսուս Զրիստոս, այն ժամանակներուն, շաբաթ օր մը, ցորենի արտերու մէջէն անցաւ: Աշակերտները անօթեցած էին, սկսան հասկեր փրցնել եւ ուտել: Ասիկա տեսնելով՝ Փարիսեցիները ըսին Յիսուսի. «Տե՛ս, ի՞նչ կ'ընեն աշակերտներդ, բան մը, որ արտօնուած չէ Շաբաթ օրով»: Յիսուս պատասխանեց. «Զէ՞ք կարդացած, ի՞նչ ըրաւ Դաւիթ, երբ անօթեցաւ, ինք եւ իր ընկերները: Ինչպէ՛ս մտաւ Աստուծոյ տունը եւ ինչպէ՛ս կերան ընծայման հացը, զոր ո՛չ ինք եւ ո՛չ իր ընկերները ուտելու իրաւունք ունէին, այլ՝ միայն քահանաները: Եւ կամ Օրէնքի մէջ չէ՞ք կարդացած որ շաբաթ օրը, Տաճարին մէջ, քահանաները շաբաթը կը պղծեն եւ անմեղ են: Կ'ընեմ ձեզի, հոս Տաճարէն աւելի մեծը կայ: Եթէ հասկցած ըլլայիք, թէ ի՞նչ կը նշանակէ **Ողորմութիւն կ'ուզեմ եւ ոչ զոհը**, չէիք դատապարտեր այս մարդիկը, որոնք յանցաւոր չեն: Մարդու Որդին ետերն է նաեւ շաբաթ օրուան»:



ԽՈՐՀՐԴԱԾՈՒԹԻՒՆ

Առաքեալները հասկեր կը փրցնեն

Տասը պատուիրաններուն չորրորդը՝ «Յիշէ՛ շաբաթ օրը, որպէսզի սուրբ պահես գայն» (Ելք 20,8), մեզի կը սորվեցնէ շաբթուայ մէկ օրը սուրբ պահել, այսինքն՝ յատկացնել աստուածապաշտութեան, ձեռնպահ մնալ աշխարհիկ գործերէն եւ այդ օրը նուիրել Աստուծոյ: Աստուածաշունչի առաջին էջերուն

մէջ կը կարդանք. «Աստուած վեցերորդ օրը աւարտեց արարչագործութիւնը եւ իր կատարած բոլոր գործերէն ետք՝ եօթներորդ օրը, հանգչեցաւ» (Ճննդ. 2,2): Այսպիսով՝ Տէրը մեզի օրինակ տուաւ, որ մենք ալ վեց օր աշխատինք, իսկ եօթներորդ օրը հանգստանանք: Հրեաներուն համար այդ օրը

շաբաթն էր: Անոնք ծայրայեղօրէն սուրբ կը պահէին շաբաթը: Յետեւաբար, ամէն գործ, բարի կամ չար, մեղք կը սեպուէր: Շաբաթ օրով արգիլուած էր նոյնիսկ հասկ քաղել: Ուստի, երբ Յիսուսի աշակերտները հասկ փրցուցին եւ կերան, փարիսեցիները ըսին Անոր. «Տե՛ս, ի՞նչ կ'ընեն աշակերտներդ, բան մը որ արտօնուած չէ շաբաթ օրով»: Յիսուս այսպիսի անմիտ ըմբռնումներուն առարկելով՝ հարցուց, թէ ո՞րն է կարելորդ շաբաթը թէ մարդը: Ան ցոյց տուաւ անոնց, որ ողորմութիւնն ու գթութիւնը աւելի կարելորդ են, եւ հասկցուց, թէ չորրորդ պատուիրանը պահելը պէտք չէ վնասէ մարդուն, «Ողորմութիւն կ'ուզեմ եւ ոչ զոհ»:



Աստուածային պատուիրանները մարդուն հոգեւոր եւ մարմնաւոր բարօրութեան եւ յաւիտենական երջանկութեան համար են: Յետեւաբար, Կիրակին քրիստոնէայի համար սուրբ, պատւելի եւ կարելորդ օր է: Ուստի, պէտք չէ արհամարհենք այդ օրը: Աստուծոյ օրը սուրբ պահելով՝ աւելի կը մօտենանք

Տիրոջ, կը ճանչնանք Անոր կամքը եւ կը կատարենք զայն: Մարդուն կը մնայ ընտրել. «Ձեր առջեւ կը դնեմ կեանքն ու մահը, օրհնութիւններն ու անեծքները: Կեանքը ընտրէ, որպէսզի ապրիք դուն եւ քու սերունդդ» (Բ. Օրինաց 30, 19):

Սիրելի ընթերցող, Տիրամայրը հաւատարմօրէն գործադրեց Աստուծոյ պատուիրանները: Ա՛ն Չինք իբր օրինակ քու կեանքիդ մէջ, որպէսզի ընդունիս Տիրոջմէ շնորհքներ :

Ամէն:



Հետեւեցէք

Հայ Կաթողիկէ Պատրիարքութեան

ԼՈՅՍ ԶՈՒԱՐԹ

պատկերասփիւռի յայտագրին

Ամէն Երկուշաբթի, Երեկոյեան ժամը 7:15-ին
Կրկնօրինը՝
Ուրբաթ կ.ե. 1:00 - 2:30
Շաբաթ առաւօտեան 5:00 - 6:30



Նոր ալ Շարք
կայանէն

NileSat
11096 H

www.noursat.tv

Tel.: 01/ 570 559 - Fax: 01/ 570 558 e-mail: eparchy@armeniancatholic.org
www.armeniancatholic.org